



Kantonalna uprava civilne zaštite
Kantonalni operativni centar civilne zaštite

Broj: D-18/1-40-1-247/24
Tuzla, 4.9.2024. godine

Federalna uprava civilne zaštite
Federalni operativni centar civilne zaštite
Sarajevo

Na osnovu člana 17. stav (1) tačka c) Pravilnika o organiziranju i funkcioniranju operativnih centara civilne zaštite ("Službene novine FBiH" broj 9/19), Kantonalni operativni centar civilne zaštite Tuzla dostavlja:

REDOVNI IZVJEŠTAJ

o stanju u oblasti zaštite i spašavanja na teritoriji Tuzlanskog kantona
za dan 4.9.2024. godine.

Operativno vrijeme izrade izvještaja 4.9.2024. godine u 08,00 sati.

Hidrometeorološki podaci (HMS Bukovčić Tuzla)

Temperatura: 19°C

Vlažnost: 70%

Pritisak: 981 hPa

Količina padavina: l/m²

Vodostaj na HA Modrac

Vodostaj na brani HA Modrac jutros u 07.00 sati bio je 197,29 mnm., (tačka preljeva je 200 m.n.m.). U odnosu na mjerenje prije 24 sata vodostaj je niži za 3 cm. Ispust kroz temeljne otvore iznosi 2,20 m³/s.

Stanje na cestama

M – 19,2 Kladanj – Vlasenica U mjestu Gojsalići izvode se radovi na sanaciji mosta, vozila saobraćaju naizmjenično, uz postavljene semafore.

Priboj – Teočak Zbog sanacionih radova na regionalnom putu Priboj-Teočak od 07 do 17:30 sati (ponedjeljak-subota) saobraća se naizmjenično, jednom trakom.

R – 471 Lukavac-Banovići izvode se sanacioni radovi, zbog čega se svakim danom (osim nedjelje) od 07 do 16 sati saobraća usporeno, jednom trakom.

R – 461a Srebrenik – Orahovica Donja Svakog dana (osim nedjelje) u terminu od 07 do 16 sati izvode se radovi u mjestu Orahovica Gornja. Na mjestu radova saobraća se usporeno.

R – 455a Svatovac-Živinice (Suha-Barice) Zbog radova na regionalnom putu Svatovac-Živinice, na dionici Suha – Barice (raskršće za Ljubače) saobraća se jednom trakom, uz postavljene semafore.

03. Požari (LP – 3)

Grad Gradačac

Dana 3.9.2024. godine PVJ Gradačac je imala intervenciju na gašenju požara niskog rastinja ukupne površine cca 3 duluma u naselju Mionica – Mujkanovići. U akciji gašenja učestvovalo jedno vozilo i četiri vatrogasca. Požar je lokaliziran i ugašen.

Grad Lukavac

Dana 3.9.2024. godine PVJ Lukavac je imala dvije intervencije na gašenju požara i to u mjestu Srnice gdje je gorjela šuma ukupne površine cca 100 duluma. U akciji gašenja pored pripadnika PVJ LUKAVAC učestvovali i radnici JP Šume TK (10 ljudi). Požar je lokaliziran i stavljen pod kontrolu ali se još uvijek aktivno dežura na požarištu. Također PVJ Lukavac je imala intervenciju na gašenju privatnog motornog vozila u mjestu Šikulje. Požar je lokaliziran i ugašen.

Grad Srebrenik

Dana 3.9.2024. godine PVJ Srebrenik je imala tri intervencije na gašenju požara i to na području naselja Kuge i Uroža gdje je gorjelo nisko rastinje na manjoj površini te gašenje sijena u naselju Tinja Donja. Požari su lokalizirani i ugašeni.

Grad Tuzla

Dana 3.9.2024. godine PVJ Tuzla je imala dvije intervencije na gašenju požara i to nisko rastinje na manjoj površini u naselju Donja Obodnica te divlja deponija smeća u ulici Miroslava Krležje. Požari su lokalizirani i ugašeni.

Općina Kalesija

Dana 3.9.2024. godine PVJ Kalesija je imala intervenciju na gašenju požara niskog rastinja ukupne površine cca 1,5 duluma na području naselja Vukovije Gornje. Požar je lokaliziran i ugašen.

Općina Kladanj

Požar na planini Konjuh je lokaliziran i pod kontrolom. Na požarištu dežuranju uposlenici JP Šume TK radi gašenja manjih požara koji se sporadično javljaju. SCZ Kladanj vrši dostavu vode za gašenje požara. Također požar na deponiji Stanovi je još uvijek aktivan ali pod kontrolom.

Dostavljeno:

- FOC
- Sve SCZ na TK
- a/a

Dežurni u KOC Tuzla

Željko Mijatović